



Þingeyjarsveit

## FRAMKVÆMDALEYFI

Þeistareykjalína 1

**Leyfisveitandi:**

Þingeyjarsveit  
Kt. 590602-2640  
Kjarna  
650 Laugar

**Leyfishafi:**

Landsnet hf  
Kt. 580804-2410  
Gylfaflöt 9,  
112 Reykjavík

Nóvember 2016

Sveitarstjórn Þingeyjarsveitar samþykkti þann 10. nóvember s.l. að tilmælum skipulags- og umhverfisnefndar frá 10. nóvember erindi dags. 18. mars og 28. október 2016 frá Guðmundi Inga Ásmundssyni, forstjóra, f.h. Landsnets um veitingu framkvæmdaleyfis fyrir

**Þeistareykjalínu 1**, 220 kV háspennulína frá Þeistareykjavirkjum að sveitarfélagamörkum Norðurþings.

Leyfisveitandi: Þingeyjarsveit, kt 590602-2640, Kjarna, 650 Laugar,  
Leyfishafi: Landsnet hf., kt. 580804-2410, Gylfaflöt 9, 112 Reykjavík.

#### **Gögn vegna leyfisumsóknar:**

1. Umsókn um framkvæmdaleyfi dags 18. mars 2016.
2. „Upplýsingar vegna útgáfu framkvæmdaleyfis“ dags í mars 2016 frá Mannviti verkfræðistofu, þar sem m.a. kemur fram hvernig Landsnet hf muni koma til móts við skilyrði Skipulagsstofnunar við leyfisveitingar samkvæmt álit hennar um mat á umhverfisáhrifum frá 24. nóvember 2010.
3. Þeistareykjalína 1.  
-Fylgiskjal 4. Matsskýrsla og viðaukar.  
-Skýrsla og fylgiskjöl.

#### **Viðbótargögn sem komu til umfjöllunar við útgáfu framkvæmdaleyfis:**

4. Úrskurður úrskurðarnefndar umhverfis- og auðlindamála, í máli nr. 95/2016, dags. 27. október 2016.
5. Umsögn Náttúruverndarnefndar Þingeyinga, dags. 4.11.2016.
6. Erindi Landsnets, dags. 4. 11.2016, Þeistareykjalína 1, - frekari gögn, ásamt fylgiskjölum.

#### **Skipulagslegar forsendur leyfisveitingar:**

Framkvæmdaleyfið er gefið út á grundvelli sameiginlegs mats á umhverfisáhrifum álvers á Bakka við Húsavík, Þeistareykjavirkjunar, Kröfluvirkjunar II og háspennulínu frá Kröflu og Þeistareykjum að Bakka, umhverfismats Háspennulína (220 kV) frá Kröflu og Þeistareykjum að Bakka við Húsavík, Svæðisskipulags háhitasvæða í Þingeyjarsýslum 2007-2025, Aðalskipulags Þingeyjarsveitar 2010-2022 og deiliskipulags Þeistareykjavirkjunar.

Álit Skipulagsstofnunar um mat á umhverfisáhrifum frá 24. nóvember 2010 má finna á eftirfarandi vefslóðum:

Vegna sameiginlega umhverfismatsins:  
<http://www.skipulagsstofnun.is/media/attachments/Umhverfismat/821/2010020001.pdf>

Vegna umhverfismats háspennulína:  
<http://www.skipulag.is/media/attachments/Umhverfismat/654/2007060066.pdf>

#### **Forsendur í lögum og reglugerðum fyrir leyfisveitingu:**

Skipulagslögn nr. 123/2010, gr. 13. - 16.

Reglugerð um framkvæmdaleyfi nr. 772/2012.

Lög um náttúruvernd nr. 60/2013 m.s.br., 3. mgr. 61. gr. þar sem fyrir liggur „staðfest aðalskipulag og samþykkt deiliskipulag“ þar sem það á við.

### **Skilyrði Skipulagsstofnunar og Þingeyjarsveitar fyrir leyfisveitingu:**

Samkvæmt álitni Skipulagsstofnunar um mat á umhverfisáhrifum frá 24. nóvember 2010 telur hún að við leyfisveitingar þurfi að setja eftirfarandi skilyrði:

1. Landsnet þarf að tryggja að framkvæmdir auki ekki eyðingu gróðurs á svæði sem nú er eitt virkasta rofsvæði landsins.
2. Ef votlendi verður raskað þarf landsnet að endurheimta a.m.k. jafnstórt votlendissvæði og það sem raskast.
3. Landsnet þarf að tryggja að sjaldgæfum plöntum við Þeistareyki verði hlíft eins og kostur er og að staðsetning háspennumastra og lega slóða taki mið af staðsetningu þeirra og einnig umferð meðan á framkvæmdum stendur. Þá þarf Landsnet að tryggja að að framkvæmdir trufli ekki varp fálka á svæðinu.
4. Landsnet þarf í samráði við Minjastofnun Íslands að tryggja að ekki verði raskað fimm fornleifum í landi Þeistareykja.
5. Landsnet þarf að leggja fram áætlun um rannsóknir á umfangi áflugs fugla á raflínur og að niðurstöður rannsókna verði bornar undir Umhverfisstofnun.

Í greinargerð með umsókn með framkvæmaleyfi kemur fram hvernig Landsnet muni bregðast við þessum skilyrðum Skipulagsstofnunar. Útgáfa framkvæmdaleyfis af hálfu leyfisveitanda er háð því að skilyrði Skipulagsstofnunar séu uppfyllt.

Þá hefur Þingeyjarsveit sett að auki sérstakt skilyrði vegna framkvæmdaleyfisins:

Vegna framkvæmda innan hverfisverndarsvæða HV-2 og HV-4, sbr. deiliskipulag Þeistareykjavirkjunar, gildir að við alla mannvirkjagerð skal leitast við að viðhalda einkennum svæðanna og skal gætt fyllstu varúðar við allar framkvæmdir. Hafa skal samráð við skipulagsfulltrúa og eftirlitsmann Umhverfisstofnunar vegna framkvæmda á hverfisverndarsvæðunum áður en þær hefjast.

### **Eftirlit með framkvæmdum:**

Skipulags- og byggingarfulltrúi Þingeyjarsveitar hefur í umboði sveitarstjórnar reglulegt eftirlit með framkvæmdaleyfisskyldum framkvæmdum og að þær séu í í samræmi við útgefin leyfi. Samkvæmt samningi frá 18 maí 2016 um sérstakt eftirlit Umhverfisstofnunar (UST) sem verksala með framkvæmdum Landsnets sem verkkaupa vegna framkvæmda við Þeistareykjalínu 1 er skipulagsfulltrúi tengiliður sveitarfélagsins og skal tilkynna honum ef ætla má að verkefni stofnunarinnar og sveitarfélagsins skarist eða ef stofnunin telur ástæðu til að koma á framfæri ábendingum sem varða framkvæmdaleyfið.

### **Gildistími framkvæmdaleyfis:**

Framkvæmdaleyfið er ótímabundið, en miðast við framkvæmdatíma hinnar leyfisskyldu framkvæmdar.

Framkvæmdaleyfið fellur þó úr gildi hafi framkvæmd ekki verið hafin innan tólf mánaða frá útgáfu þess. Framkvæmd telst hafin þegar hreyft hefur verið við yfirborði jarðvegs á framkvæmdastað.

**Framkvæmdaleyfisgjald:**

Samið hefur verið um greiðslu framkvæmdaleyfisgjalds.

**Fyrirvarar og skilyrði framkvæmdaleyfis:**

Framkvæmdaleyfið er gefið út samkvæmt fyrirbyggjandi og meðfylgjandi málgögnum og með þeim fyrirvörum og skilyrðum sem þar koma fram og samkvæmt þeim lögum og reglugerðum sem hér er vísað til.

Framkvæmdaleyfið er gefið út í tveimur eintökum og skal það vera aðgengilegt eftirlitsaðilum á framkvæmdastað.

Laugum, Þingeyjarsveit, 10. nóvember 2016,

f.h. Þingeyjarsveitar



*Bjarni Reykjalin*  
Bjarni Reykjalin,

skipulags- og byggingarfulltrúi.

*Framkvæmdaleyfi er gefið út skv. 13. – 16. gr. skipulagslaga nr. 123/2010, reglugerð nr. 772/2012 um framkvæmdaleyfi og í samræmi við ákvæði laga um náttúruvernd nr. 60/2013 m.s.br.,. Leyfishafa ber að kynna sér samræmd starfsleyfisskilyrði Umhverfisstofnunar og heilbrigðiseftirlits sveitarfélaga fyrir efnistöku vegna mengunarvarna, sbr. 12. gr. reglugerðar nr. 785/1999 um starfsleyfi fyrir atvinnurekstur sem getur haft í för með sér mengun, með síðari breytingum. Almenn starfsleyfisskilyrði fyrir mengandi starfsemi sbr. auglýsingu nr. 582/2000 gilda einnig um starfsemina.*

#### Fylgiskjöl:

1. Afrit af bókunum skipulags- og umhverfisnefndar og sveitarstjórnar vegna veitingar framkvæmdaleyfis.
2. Umsókn um framkvæmdaleyfi dags 18. mars og 28. október 2016, árituð af skipulags- og byggingarfulltrúa.
3. „Upplýsingar vegna útgáfu framkvæmdaleyfis“ dags í mars 2016 frá Mannviti, verkfræðistofu áritaðar af skipulags- og byggingarfulltrúa.
4. Umsögn Náttúruverndarnefndar Þingeyinga, dags. 4.11.2016.
5. Erindi Landsnets, dags. 4. 11.2016, Þeistareykjalína 1, - frekari gögn, ásamt fylgiskjöllum.